

Allanguutissatut siunnersuut

uunga

**Uunga siunnersuut: Inatsisartunut qinersisarneq pillugu Inatsisartut inatsisaat nr. xx, xx. xx. 2020-imeersoq**

Pingajussaanerinissamut Naalackersuisunit saqqummiunneqartoq

§ 2-imut

1. § 2, *imm. 1, nr. 1*, imatut oqaasertalerneqarpoq:

”1) Inuit minnerpaamik qaammatini 6-ini sivisussusilimmik ilinniarnerminni, ilinniarnissaq siunertaralugu Kalaallit Nunaata avataaniittut.”

§ 7-imut

2. § 7, *imm. 2*, imatut oqaasertalerneqarpoq:

” *Imm. 2.* Qinersinermut ataatsimiititaliap ilaasortarai Naalackersuisut Siulittaasuata Naalackersuisoqarfiani naalackersuisoqarfimmi pisortaaneq, siulittaasuusoq, Naalackersuisuni inatsisilerinermi pisortaq, ilaasortaq ataaseq kommunit peqatigiillutik toqqagaat, biskoppi kiisalu Ilisimatusarfimmi rektori taakkuluunniit sinniisussaat. Amerlaqatigiinnik taasisoqartillugu siulittaasup taasinera aalajangiisuussaaq.”

§ 14-imut

3. § 14, *imm. 6*, imatut oqaasertalerneqarpoq:

” *Imm. 6.* Partiitut qinigassanngortinnermut nalunaarsuiffik partiimi oqartussaasunit, partiip malittarisassai malillugit Inatsisartunut qinersinermut qinigassanngortitsinissamut akuerineqarsimasunit, atsiorneqarsimassaaq. Partiit qinigassanngortittunik qinigassanngortitsinermik akuersissutaat partiinut nalunaarsuiffiit assilinerisa, atsionernik uniffik siullermi taaneqartunik ilaqartillugit, nassiunneqarnerisigut pisinnaapput.”

§ 29-imut

4. § 29-imi *imm. 2*-tut ilanngunneqarpoq:

” *Imm. 2.* Paasissutissat nalunaarsukkat, digitalimik allakkatigut taasinert uninnngasuutigineranni saqqummertut, piarnissaat, pissarsiarinissaat atorneqarnissaallu pillugu aalajangersakkanik erseqqinnerusunik Naalackersuisut aalajangersaasinnaapput.”

## § 44-imut

5. § 44, *imm.* 3, imatut oqaasertalerneqarpoq:

” *Imm.* 3. Qinersisinnaatitaaneq inimut qinersivimmut, qinersisartup inuit nalunaarsorsimaffianni najugaanut qaninnerpaatut inissisimasumut, nammineerluni ornigunnikkut atorneqassaaq.”

6. § 44-imi *imm.* 3 kingorna immikkoortutut nutaatut ilanngunneqarput:

” *Imm.* 4. Inimi qinersivimmi qinersisartoq taasisitsinermik aqutsisumut taassumaluunniit tamatumunnga piginnaatitaanut saaffiginnissaaq. Taasisitsinermik aqutsisup taassumaluunniit tamatumunnga pisinnaatitaata qinersisartup atini inuulinu pillugit paasisutissiinissaa piumasarissavaat. Qinersisartoq taamatuttaaq aperineqaruni najukkani pillugu paasisutissiissaaq. Qinersisartup kinaassusia nalornissutigineqarpat pineqartup kinaassutsiminut uppersaammik saqqummiussinikkut tamanna uppersarsassavaa. Nunami namminermi ID-kortimik Naalackersuisut atuutsitsilersimappata, qinersisartup taasisitsinermik aqutsisumut taassumaluunniit tamatumunnga piginnaatitaanut saaffiginninnerani, qinersisartup nunami namminermi ID-korti imaluunniit kinaassutsimut uppersaat alla takutissagaa, taasisitsinermik aqutsisup taassumaluunniit tamatumunnga piginnaatitaata piumasarissagaa, pillugu aalajangersakkanik erseqqinnerusunik Naalackersuisut aalajangersaassapput.

*Imm.* 5. Qinersisartup kinaassusaa uppersarsineqareerpat, taasisitsinermik aqutsisup taassumaluunniit tamatumunnga piginnaatitaata qinersisartoq qinersisartut allattorsimaffianni nalunaaqutsissavaa, aammalu taasivissaq atorneqangitsoq qinersisartumut tunniunneqassalluni.

*Imm.* 6. Qinersisartut kommunimi inuit nalunaarsorsimaffianni najugaqartut kommunimi taasiartorfissami nammineq toqqakkamini taasisinnaasut pillugit maleruagassanik nalunaarummi Naalackersuisut aalajangersaasinnaapput.”

7. § 44, *imm.* 4-9, tamatuma kingorna § 44, *imm.* 7-12-nngorput.

## § 62-imut

8. § 62, *imm.* 3 atorunnaarpoq.

Allannguutissatut siunnersuummut nassuiaatit

**Nassuiaatit nalinginnaasut****1. Aallaqqaasiut**

Inatsisinut ataatsimiititaliaq ulloq 4. november 2020, UPA2020/198-ip – Uunga siunnersuut: Inatsisartunut qinersisarneq pillugu Inatsisartut inatsisaat nr. xx, xx. xx. 2020-imeersoq – aappasaanneerseqarnissaanut isumaliutissiisuteqarpoq. Ataatsimiititaliap isumaqatigiittup isumaliutissiisummi Naalakkersuisut inatsisissatut siunnersuutip pingajussaaneerseqarnissaanut allannguutissatut siunnersuummik saqqummiusseqqullugit qinnuigai.

Allannguutissatut siunnersuummi matumani ataatsimiititaliap kaammattuina akuerineqarpoq.

Taamaattoq ataatsimiititaliap kaammattuutaa ataaseq siunnersuummi aalajangersakkani allanngortitsinermik malitseqanngilaq. Tassani pineqarpoq, Naalakkersuisut kommunillu taasinerit isertuussaanissaasa qulakkeernissaanut tunngaviummik akisussaasuuginnartariaqartut, tamannalu taasineq digitalimik taasinerut taasinerunersoq apeqqutaatinnagu atuuttariaqartoq, pillugu kaammattuutigineqartoq.

Kisiannili Naalakkersuisut ataatsimiititaliap isummorsorneri tapersersinnaavaat: Taasinerup isertuussaanissaata qulakkeernissaanut akisussaaffik taamaalilluni marlungorlugu avitatut isigineqartariaqarpoq, illuatungaani tunngaviummik akisussaaffik Naalakkersuisut aamma kommunit akisussaaffigalugu, aappaatigullu qinersisartut ataasiakkaat nammineerlutik akisussaaffeqarnermini isertuussinissamut akisussaaffeqarlutik.

Illuatungaani Naalakkersuisut aamma kommunit tunngaviummik akisussaaffeqarlutik, aappaatigullu qinersisartut ataasiakkaat nammineerlutik akisussaaffeqarlutik, isertuussinissamut akisussaaffeqarnermi qulliunerusutut alliunerusutullu inissisimaneq taanna, nunani avannarlerniittut nunat Norge-p, Sverige-p, Åland-ip aamma Finland-ip isertuussinissamut akisussaaffeqarnerup marlungorlugu avinnissaanut paasinninnerannut naapertuuppoq.

## **2. Allannguutissatut siunnersuummi immikkoortut pingaarnerit**

### *2.1. Ilinniartut*

Inuk ilinniarnissaq siunertaralugu Kalaallit Nunaata avataaniittoq, qinigaasinnaatitaaginnarsinnaanissamut, pineqartup ilinniarnera minnerpaamik qaammatinik 6-inik sivisussuseqassasoq, erseqqissarnissaa Naalakkersuisut kissaatigaat.

### *2.2. Qinersinermut ataatsimiititaliaq*

Inatsisinut ataatsimiititaliap isumaliutissiisutaa tunngavigalugu, ataatsimiititaliami ilaasortat inummik ataatsimik ilanerisigut, ataatsimiititaliami aalajangiinissamut pissusiviusuni piginnaatitaanerup Naalakkersuisut Siulittaasuata Naalakkersuisoqarfiani

naalackersuisoqarfimmut pisortaanermiinnissaata pinngitsoortinnissaa, Naalackersuisut kissaatigaat. Taamaattumik Naalackersuisut siunnersuutigat, Iisimatusarfimmi rektori imaluunniit taassuma sinniisussaa, pineqartunut ilaatilerlugu Qinersinermut ataatsimiititaliap aamma annertusitinneratigut, Qinersinermut ataatsimiititaliaq inuiaqatigiinnut tunngasunik piginnaasaqartumik nukittorsaqqinneqassasoq.

### *2.3. Digitalimik allakkatigut taasinernit paasissutissat*

Nutaaliornertut siunnersuutigineqarpoq, paasissutissanik nalunaarsukkanik, digitalimik allakkatigut taasinermi uninngasuutiginninnermi saqqummertunik, piiaanissamut, pissarsisinnaanissamut atuinissamullu malittarisassat Naalackersuisut aalajangernissaannut periarfissamik atuutsitsisoqalissasoq.

Paasissutissanik nalunaarsukkanik taakkuninnga pissarsisinnaanissap atuinissallu maleruagassiivigineqarsinnaanissaata qulakkeernissaa Naalackersuisut kissaatigaat. Ilanngullugu paasissutissat nalunaarsukkat niuernermit tunngaveqartumik atorqeersinnaannginnissaannik qulakkeernissaq Naalackersuisut kissaatigaat. Ilaatigut paasissutissanik qinersisartunut ataasiakkaanut tunngatinneqarsinnaasunik tigusinissap periarfissaannginnissaa, qinersisartut tamakkiisumik tatigissagaa, tamatumani qulakkeerneqassaaq.

### *2.4. Kommunimi taasiartorfissami nammineq toqqakkami taasineq*

Aalangiisuusumik nutaatut siunnersuutigineqarpoq, kommunimi qinersisartut ulloq qinersiviusoq kommunimi taasiartorfissami nammineq toqqakkami taasisinnaanissaat pillugu maleruagassanik Naalackersuisut aalajangersaasinnaaneranik periarfissamik atuutsitsisoqalissasoq.

Siunnersuutigineqarpoq, Naalackersuisut tamatumunnga maleruagassanik aalajangersaasinnaanissaannut, kommunimi qinersisartut allassimaffiat kommunimi taasiartorfissani tamaginni nalunaaquttap akunnerani pineqartumi internetikkut pissarsiarineqarsinnaanissaa, tunngavissaatinneqassasoq.

### *2.5. Ornigullumi taasinermi kinaassutsimik uppernarsaaneq*

Nutaaliornertut siunnersuutigineqarpoq, qinersisartoq taasivissamik tunineqarnissaminut qinersititsinermi piginnaatinneqartumut saaffiginnippat, ID-kortimik imaluunniit kinaassutsimut uppernarsaammik allamik takutitsisoqassasoq, Naalackersuisut aalajangernissamut periarfissaqarnerannik atuutsitsisoqalissasoq.

Nunami namminermi ID-kortitit ittumik atuutsitsisoqalerpat aatsaat, periarfissaq taanna atuutsilerneqassasoq siunnersuutigineqarpoq.

### **3. Aningaasaqarnikkut sunniutaasussat**

Allannguutissatut siunnersuut annertuunik aningaasaqarnikkut sunniuteqassanngilaq.

#### **Allannguutissatut siunnersuummi aalajangersakkanut ataasiakkaanut nassuiaatit**

##### Nr. 1-imut

Nassuiaat erseqqissarneqarluni, allanngortinneqarani inatsisissatut siunnersuummut nassuiaatinik ingerlatitseqqiineruvoq, aammalu allanngortitsinissaq eqqarsaatigineqarani.

Aalajangersakkami nr. 1 ilinniartut qinersisinnaatitaanerannut tunngassuteqarpoq. Pineqartup ilinniakkamik ingerlatsinissaa piumasaqaataavoq. Taamaalilluni naammanngilaq ilinniarnermik aallartitsinissaq siunertaralugu pineqartup Kalaallit Nunaata avataaniikkallarnissaa.

Ilinniartitaaneq nunami pineqartumi oqartussanit akuerisaassaaq, aammalu minnerpaamik qaammatinik 6-inik sivisussuseqassalluni. Taamaalilluni sivikinnerusumik pikkorissarnerit tamatuma avataaniippoq. Piffissaq tamakkerlugu ilinniartitaaneq tassani pineqassasoq piumasaqaatigineqanngilaq. Aallaaviatigut Danmarkimi ilinniartitaanerit SU-mik pisinnaatitaaffigineqartut pineqartunut ilaassapput, kisianni aamma ilinniartitaanerit SU-mik pisinnaatitaaffigineqanngitsut ataasiakkaatigut naliliineq malillugu aalajangersakkami ilaatinneqarsinnaapput. Assersuutigalugu timmisartortartunngorniarneq SU-mik pisinnaatitaaffigineqanngilaq.

##### Nr. 2-imut

Aalajangersakkami Qinersinermut ataatsimiititaliap katitigaanera allanngortinneqarpoq, taamaalilluni Qinersinermut ataatsimiititaliap siunissami ilaasortarissavai Naalakkersuisut Siulittaasuata Naalakkersuisoqarfiani naalakkersuisoqarfiup pisortaa siulittaasuusoq, Naalakkersuisuni inatsisilerinermi pisortaq, ilaasortaq ataaseq kommunit peqatigiillutik toqqagaat, biskoppi kiisalu Ilisimatusarfirmi rektori imaluunniit taakkua tallimaasut sinniisussaata. Taasinerit amerlaqatigiillutik pisoqarnerani siulittaasup taasineri aalajangiisuussasoq, aalajangersakkami aalajangersarneqarpoq.

Aalajangersakkamut maannamut atuuttumut sanilliullugu inatsisilerinermi pisortap aamma Ilisimatusarfirmi rektorip ilaasortanngornerisigut Qinersinermut ataatsimiititaliami ilaasortat amerlineqassapput. Ilaasortat inatsisilerinermi pisortaq ilaasortanngorluni amerlineqarnissaannut, Qinersinermut ataatsimiititaliap inatsisilerinikkut piginnaasaasa nukittorsarneqarnissaannik kissaateqarneq, tunngavilersuutigineqarpoq. Peqatigisaanik siunissami kommunit peqatigiillutik kommuninut tamanut sinniisuussamik ilaasortamik

ataatsimik toqqaasassapput. KANUKOKA-p atorunnaarsinneqarneranut nangissutitut siunnersuut isigineqassaaq. Taamaalilluni ilaasortamik toqqaanissaq kommuninut peqatigiilluni isumagisassanngortinneqarpoq. Qinersinermut ataatsimiititaliami ilaasortat Ilisimatusarfimmi rektori ilaasortanngorluni amerlineqarneranni, inuiaqatigiinni atitunerusumik piginnaasaqarnissaq qulakkeerneqassaaq.

Nr. 3-imut

Allannguut oqaatsinik iluarsineruvoq.

Nr. 4-imut

Aalajangersakkami Naalackersuisut paasissutissat nalunaarsukkat digitalimik allakkatigut taasinerit uninngasuutigineranni saqqummertut piiarnissaannut, pissarsiarinissaannut atorneqarnissaannullu nalunaarutitut ilusilimmik maleruagassanik erseqqinnerusunik aalajangersaanissamut piginnaatinneqarput. Naalackersuisut tassunga atatillugu paasissutissanik nalunaarsukkanik assersuutigalugu pisortat naatsorsueqqissaarnerannut ilisimatusarnermullu atorneqarnissaannut maleruagassanik erseqqinnerusunik aalajangersaasinnaassapput. Ilanngullugu paasissutissat nalunaarsukkat niuernermik tunngaveqartumik atorneqarsinnaassanngitsut tassani qulakkeerneqarsinnaassaaq. Tamatuma saniatigut paasissutissat nalunaarsukkat suut pissarsiaritinneqarsinnaassanersut, aammalu paasissutissat nalunaarsukkat kimut avitseqatigiissutigineqarsinnaassanersut, pillugu maleruagassanik erseqqinnerusunik Naalackersuisut aalajangersaasinnaassapput.

Nr. 5-imut

Aalajangersakkami aalajangersarneqarpoq, qinersisinnaatitaaneq nammineerluni ornigulluni atorneqassasoq. Taamaattumik piginnaatitsinikkut taasisoqarsinnaanngilaq.

Nr. 6-imut

Imm. 4

Taasisitsinermik aqutsisup tamatumunngaluunniit taassuma piginnaatitaata qinersisartup aqqata inuuiatalu pissarsiarinerisigut, pineqartup kinaassusia qularnaassavaat. Tamanna naammanngippat qinersisartup najukkani ilanngullugu ilisimatitsissutigissavaa.

Qinersisartup kinaassusia suli nalornineqarpat, pineqartup kinaassusianut uppernarsaammik saqqummiussinikkut, tamanna aalajangiunneqarsinnaavoq. Tamanna assersuutigalugu passimik imaluunniit kinaassutsimut uppernarsaammik assitalimmik takutitsinikkut pisinnaavoq.

Naalackersuisut nunami namminerimi ID-kortimik atuutsitsilersimappata, qinersisartup taasivissamik tunineqarnissaminut taasisitsinermik aqutsisumut tamatumunngaluunniit taassuma piginnaatitaanut saaffiginninnerani, qinersisartup nunami namminerimi ID-korti imaluunniit kinaassutsimut uppenarsaat alla takutissagaa, taasisitsinermik aqutsisup tamatumunngaluunniit taassuma piginnaatitaata piumasarissagaa, pillugu aalajangersakkanik erseqqinnerusunik nalunaarutitut ilusilimmik aalajangersaanissamut Naalackersuisut piginnaatinneqarput.

#### Imm. 5

Aalajangersagaq oqaatsitsigut naleqqussarneqarluni inatsisissatut siunnersuummi § 44, imm. 3-imi aalajangersakkamik ingerlatitseqqiineruvoq, aammalu allanngortitsinissaq eqqarsaatigineqarani.

#### Imm. 6

Maannamut inoqarfinni tamaginni immikkut ataatsimik taasiartorfissaqartarpoq. Aallaaviatigut taasiartorfissami qinersisartup inuit nalunaarsorsimaffianni najugaanut qaninnerpaami inissisimasumi, qinersisartuq taasiartortussaavoq.

Nutaatut, qinersisartut kommunimi taasiartorfissami allami, qinersisartup inuit nalunaarsorsimaffianni najugaanut qaninnerpaami inissisimasumiit allaanerusumi, taasisinnaasut pillugit maleruagassanik Naalackersuisut aalajangersaasinnaanerat, aalajangersakkami periarfissiissutigineqarpoq.

Kommunimi taasiartorfissani tamaginni ataatsimoorussamik digitaliusumik qinersisartut allattorsimaffiannik, qinersinerup aallartinneraniit qinersinerup naanissaata tungaanut nalunaaquttap akunnerani pineqartumi internetikkut nutarterneqarsimajuannartumik atuisoqarnissaa, tamatumunnga tunngavissaatinneqarpoq.

Kommunimi taasiartorfissaq ataasiinnarluunniit ataatsimoorussamik digitaliusumik qinersisartut allattorsimaffiannik nalunaaquttap akunnerani pineqartumi internetikkut nutarterneqarsimasumik atuinngippat, imaluunniit ullup qinersiviusup ingerlanerani taasiartorfissami ataatsimi internetikkut nalunaaquttap akunnerani pineqartumi nutarterineq unitsinneqarpat, kommunimi taasiartorfissami allami, qinersisartup inuit nalunaarsorsimaffianni najugaanut qaninnerpaami inissisimasumit allaanerusumi, qinersisartuq taasisinnaasoq pillugu aalajangersakkani, qinersinermut siulersuisut ingerlaannaq atorunnaarsissavaat.

Kommunimi taasiartorfissani tamaginni taamaattoqarnissaanut pissutaavoq, tamarmik internetimi nalunaaquttap akunnerani pineqartumi nutarterneqarsimajuannartussaananerat,

taamaangippat qinersisartup ataatsip atia atorlugu ataasiaannarani taasinissaq ajornarunnaartussaammat.

Nr. 7-imut

Allanguut sunniutaasumik iluarsineruvoq, pissutigalugu taakkua siornanni immikkoortut nutaat marluk ilanngunneqarmata.

Nr. 8-imut

Aalajangersagaq atorunnaarpoq, tassami taanna pisariaqanngimmat, pissutigalugu § 62, imm. 1 aamma 2-imi aalajangersakkat, unioqqutitsinerit pineqaatissiinermik malitseqarsinnaasut pillugu § 63-imi aalajangersarneqartuni, ilaammata.